



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустаҳкамлаш йили

1991 йил 1 январдан чиқа бошлаган

WWW.XS.UZ E-mail: Info@xs.uz

2021 йил 18 август, № 174 (7954)

Чоршанба

Сайтимизга ўтиш учун QR-кодни телефонингиз орқали сканер қилинг.



## Янги Ўзбекистонда эркин ва фаровон яшайлик!

### Ўзбекистон Республикаси Президентининг ФАРМОНИ ИШ ҲАҚИ, ПЕНСИЯЛАР, СТИПЕНДИЯЛАР ВА НАФАҚАЛАР МИҚДОРINI ОШИРИШ ТЎҒРИСИДА

Аҳоли турмуш даражасини оширишга қаратилган чора-тадбирлар қўламини кенгайтириш, коронавирус пандемияси даврида фуқароларни ижтимоий ҳимоя қилиш ва ақтибжаманд оилаларни моддий қўллаб-қувватлашни янада кучайтириш, уларнинг даромадларини изчил ошириб бориш мақсадида:

1. 2021 йилнинг 1 сентяб-ридан бошлаб бюджет ташкилотлари ходимларининг иш ҳақи, пенсиялар, стипендиялар ва нафақалар миқдори **1,1 баробарга оширилсин.**

2. 2021 йилнинг 1 сентяб-ридан бошлаб Ўзбекистон Республикаси ҳудудида:

меҳнатга ҳақ тўлашнинг энг кам миқдори — **ойига 822 000 сўм**; базавий ҳисоблаш миқдори — **ойига 270 000 сўм**; пенсияни ҳисоблашнинг базавий миқдори — **ойига 289 000 сўм**; ёшга доир энг кам пенсиялар — **ойига 565 000 сўм**;

болалиқдан ногиронлиги бўлган шахсларга бериладиган нафақа — **ойига 622 000 сўм**;

зарур иш стажига эга бўлмаган кекса ёшдаги ва меҳнатга лаёқатсиз фуқароларга бериладиган нафақа — **ойига 440 000 сўм**;

иш стажига тўлиқ бўлмаган чоғдаги пенсияларнинг энг кам миқдори қўшимча тўловни ҳисобга олган ҳолда — **ойига 440 000 сўм**;

белгиланган ёшга доир энг кам пенсия миқдоридан 623 000 сўмга-ча пенсия олувчиларнинг ёшга доир ва ногиронлик бўйича пенсиялари миқдори — **ойига 623 000 сўм**;

1941 — 1945 йиллардаги уруш ногиронлари ва қатнашчилари, шунингдек, фашистлар қондагиларининг вояга етмаган собиқ маҳбуслари ва Ленинград шаҳри қамал қилинган даврда ишлаган шахсларнинг энг кам пенсия миқдори устамаларни инобатга олган ҳолда — **ойига 2 750 000 сўм** этиб белгилансин;

боқувчисини йўқотганлик пенсияси олувчиларнинг бир нафар меҳнатга қобилиятсиз оила аъзоси учун пенсиянинг энг кам миқдори — **ойига 440 000 сўм** этиб белгилансин ва кейинги ҳар бир меҳнатга қобилиятсиз оила аъзоси учун амалдаги тартибга мувофиқ пенсия тўлансин;

боқувчисини йўқотганлик нафақаси

олувчиларнинг бир нафар меҳнатга қобилиятсиз оила аъзоси учун нафақа миқдори — **ойига 440 000 сўм** ва кейинги ҳар бир меҳнатга қобилиятсиз оила аъзоси учун **165 000 сўмдан** қўшимчи белгилансин.

3. Бюджет ташкилотлари ходимларининг иш ҳақлари, пенсиялар, стипендиялар ва нафақаларнинг оширилиши билан боғлиқ харажатлар **Давлат бюджети ва Молия вазирлиги ҳузуридagi бюджетдан ташқари Пенсия жамғармаси маблағлари ҳисобидан қоплансин.**

Иш берувчиларга иш ҳақи миқдорларини қонунчилик ҳужжатларида белгиланган меҳнатга ҳақ тўлашнинг энг кам миқдоридан кам бўлмаган ҳолда тўлашни таъминлаб, иш ҳақи миқдорларини меҳнатга ҳақ тўлашнинг энг кам миқдорига мувофиқ ошириш тасвია этилсин.

4. Молия вазирлиги, Ўзбекистон Миллий ахборот агентлиги, Ўзбекистон Миллий телерадиокомпанияси, Ахборот ва оммавий коммуникациялар агентлиги ушбу Фармоннинг мақсади, вазифалари ва ундан қўллаётган натижаларни оммавий ахборот воситалари, интернет ва ижтимоий тармоқларда кенг ёритиш ишларини ташкил қилсин.

5. Ўзбекистон Республикаси Президентининг айрим ҳужжатлари-га 2021 йил 1 сентябрдан иловага мувофиқ ўзгаришлар киритилсин.

6. Молия вазирлиги манфаатдор вазирлик ва идоралар билан биргаликда икки ой муддатда қонунчилик ҳужжатларига ўзгаришлар киритиш ва шайхўй жавобгар этиб молия ва-зирлиги Т.А.Ишметов белгилансин.

Фармон ижросини муҳокама қилиб бориш, ижро учун масъул ташкилотлар фаолиятини мувофиқлаштириш ва назорат қилиш Ўзбекистон Республикаси Бош вазирли-нинг ўринбосари **Ж.А.Кучаров** зиммасига юклансин.

Амалга оширилаётган чора-тадбирлар натижадорлиги юзасидан Ўзбекистон Республикаси Президентига **2021 йил 1 ноябр-га** қадар ахборот берилсин.

### Ўзбекистон Республикаси Президенти Ш. МИРЗИЁЕВ

Тошкент шаҳри, 2021 йил 17 август

### ЎЗБЕКИСТОН ВА ГЕРМАНИЯ ПРЕЗИДЕНТЛАРИ МИНТАҚАВИЙ АҲАМИЯТГА МОЛИК ДОЛЗАРЪ МАСАЛАЛАРНИ МУҲОКАМА ҚИЛДИЛАР

Ўзбекистон Республикаси Президенти Шавкат Мирзиёев 17 август куни Германия Федератив Республикаси Президенти Франк-Вальтер Штайнмайер билан телефон орқали мулоқот қилди.

Кўп қиррали Ўзбекистон — Германия муносабатларини янада ривожлантириш масалалари кўриб чиқилди ҳамда минтақавий ҳамкорликнинг энг муҳим жиҳатлари муҳокама қилинди.

Афғонистондаги вазиятнинг ривожланишига алоҳида эътибор қаратилди. Ушбу мамлакатдаги ҳарбий-сиёсий кескинликнинг кучайиши минтақавий ва халқаро хавфсизлик ҳолатига жиддий салбий таъсир кўрсатиши мумкин экани таъкидланди.

Афғон муаммосининг тинч йўл билан ҳал этилишига кўмаклашиш бўйича биргаликдаги саъй-ҳаракатларни яқиндан мувофиқлаштириш ҳамда минтақадаги вазият юзасидан мунтазам сиёсий маслаҳатлашувлар олиб бориш тўғрисида келишувга эришилди.

Афғонистондан Германия фуқароларини эвакуация қилиш масалалари бўйича ҳамкорлик ҳам давом эттирилади.

ЎзА.

### Жамоатчилик эшитуви

## ДАВЛАТ ДАСТУРИ ИЖРОСИ ҚАНДАЙ БОРЯПТИ?

Кеча Ўзбекистон Республикаси Олий Мажлиси Сенатининг Фан, таълим ва соғлиқни сақлаш масалалари қўмитаси ҳамда “Юксалиш” умуммиллий ҳаракати ҳамкорлигида “Ёшларни қўллаб-қувватлаш ва аҳоли саломатлигини мустаҳкамлаш йили” Давлат дастури ижроси юзасидан галдаги жамоатчилик эшитуви ташкил этилди.

Унда дастурнинг тегишли бандлари ижроси бўйича Соғлиқни сақлаш вазирлиги, Санитария-эпидемиологик осойишталик ва жамоат саломатлиги хизмати, Молия вазирлиги масъул раҳбарлари ахборот берди. Жумладан, бу ҳужжатнинг 177-бандига мувофиқ, республика аҳолисини коронавирусга қарши профилактика эмлаш ишларини уюштириш ҳамда 184-бандда таъкидланган аҳолига давлат томонидан бепул тиббий хизматлар ва дори воситалари билан қафолатланган пакет доирасида тиббий хизмат кўрсатиш тизимини изчил йўлга қўйиш

каби вазифалар ижроси бўйича масъуллар ахбороти тингиланди.

Жамоатчилик эшитувида корона-вирус инфекциясига қарши эмлаш жараёнининг бориши, Ўзбекистонга олиб келинган вакциналар ва уларга ажратилган маблағлар ҳамда вакцинация чоғида дуч келётган муаммолар тақдим этилди.

Шунингдек, бепул тиббий хизматлар ва дори воситалари билан қафолатланган пакет доирасида тиббий хизмат кўрсатиш бўйича амал-га оширилаётган ишлар, жумладан, қафолатланган пакет неча турдаги

### ПРЕЗИДЕНТ МИРЗИЁЕВ БУТУН ДУНЁДА ЭЪТИРОФ ЭТИЛАЁТГАН ЎЗБЕК ДИПЛОМАТИЯСИДА ЯНГИ САҲИФА ОЧДИ

Президент Шавкат Мирзиёевнинг яқинда матбуотда эълон қилинган “Янги Ўзбекистон демократик ўзгаришлар, кенг имкониятлар ва амалий ишлар мамлакатига айланмоқда” номли интервьюси таҳлилларга бойлиги билан бутун фикри-зикримни эгаллаб олди, десам, муболаға бўлмайд.

### Акс садо

Гап шундаки, Юртбошимиз озод ва эркин ҳаёт, адолатли жамият барпо этишдек улкан мақсадини ўз олдига қўйган халқимиз 1991 йил 31 августда муқаддас орзусига эришгани — Ватанимиз ўз давлат мустақиллигини қўлга киритганидан бошлаб орадан ўтган салкам 30 йил, айниқса, охири беш йилда қўлга киритилган улкан ютуқ ва муваффақиятларни гоҳ сиёсатчи, гоҳ иқтисодчи, яна бир жойда муҳандис, бошқа ўринда эса маънавият-чиқдек теран таҳлил қилиб берган.

Давлатимиз раҳбари кейинги 30 йилда Ўзбекистон аҳолиси 15 миллион нафарга кўпайгани ва шунга мос равишда халқимизнинг истеъмол талаби ҳамда эҳтиёжи ҳам муттасил ортиб бораётгани, аммо ер ва сувимиз кўпаймаслиги ҳақида сўз юритаркан, ушбу масаланинг ечимини ҳам аниқ келтиради: **“Бундай ресурслар нафақат бизда, бутун дунёда чекланган. Бинобарин, биз энди ақлимизни, интеллектуал са-**

нашларни варақларканман, “Халқ сўзи” газетасининг 2021 йил 11 август сонидан эълон қилинган “Инсон концепцияси Ўзбекистон Республикаси Президенти Шавкат Мирзиёев томонидан яратилди” номли мақола эътиборини тортиди.

Мақола муаллифи ниҳоятда катта ҳаётий тажрибага эга, ҳаётнинг паст-баланди, оғиру енгиллини кўрган йирик олим, улуғ инсон, давлат ва жамоат арбоби, сиёсатчи, оддий деҳқон, таҳрибали муҳандис, сенатор, профессор Рустам Холмуродовдир.

Мақолада охириги беш йилда янги Ўзбекистоннинг туб ўзгариш ва ислохотлари Шавкат Мирзиёев томонидан яратилганига ва бу ижобий жараёни бутун жаҳон тан олганини ҳаётий мисоллар билан далиллайди, ўқувчиларнинг қалби-га етказди. Дарҳақиқат, жаҳоннинг нуфузли экспертлари Президентимизнинг 15 та туб ислохотини тан олиб, бутун дунёга ошқор этди.



### МАРКАЗИЙ САЙЛОВ КОМИССИЯСИНИНГ АХБОРОТИ

2021 йил 14 август куни Марказий сайлов комиссиясининг навбатдаги мажлиси бўлиб ўтди. Унда округ сайлов комиссияларининг шахсий таркиби тасдиқланди ва оммавий ахборот воситалари вакиллари акредитациядан ўтказилди. Шунингдек, 2021 йил 24 октябрь куни бўлиб ўтадиган Ўзбекистон Республикаси Президенти сайловида иштирок этиш учун сиёсий партияларга ижозат бериш тўғрисида аризалар келиб тушиши навбатда куйидаги қарорлар қабул қилинди:

1. Ўзбекистон Экологик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1094-сон қарори;
2. Ўзбекистон Халқ демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1095-сон қарори;
3. Тадбиркорлар ва ишбилармонлар ҳаракати — Ўзбекистон Либерал-демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1096-сон қарори;
4. Ўзбекистон “Миллий тикланиш” демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1097-сон қарори;
5. Ўзбекистон “Адолат” социал-демократик партиясига Ўзбекистон Республикаси Президенти сайловида иштирок этишига ижозат бериш тўғрисида Марказий сайлов комиссиясининг 1098-сон қарори.

Мазкур қарорлар Марказий сайлов комиссиясининг расмий веб-сайтида эълон қилинди.

Марказий сайлов комиссияси Матбуот хизмати.

### САЙЛОВЛАРГА ТАЙЁРГАРЛИК КЎРИШ ВА ЎТКАЗИШДА

Фуқаролик жамияти институтларининг иштироки қай даражада муҳим?

Олий Мажлис Қонунчилик палатасининг Демократик институтлар, нодавлат ташкилотлар ва фуқароларнинг ўзини ўзи бошқариш органлари қўмитаси “Юксалиш” умуммиллий ҳаракати билан ҳамкорликда “Сайловларга тайёргарлик кўриш ва ўтказишда фуқаролик жамияти институтларининг иштироки” мавзусида давра суҳбати ўтказди.



### Ватанимиз мустақиллигининг 30 йиллигига



Фарғона вилояти:

## Бунёдкорлик ва яратувчанликнинг улўф қудрати

Фарғона вилояти ҳам кейинги йилларда қалбага ғурур ва ифтихор бахш этадиган ҳаётбахш ислохотлар туфайли тобора янгиланмоқда, тараққиёт ҳамда истиқбол сари дадил одимланмоқда.

Тийрак нигоҳли ҳамюртларимиз бугун бунёдкорлик ва яратувчанликнинг улўф қудратини кўриб, тарихий ўзгаришлар жараёнининг шунчаки

кузатувчиси эмас, балки фаол ва фидойи иштирокчиси бўлишга интиляпти. Фарғонанинг ойдин кўчалари, қадди баланд бинолари бобомерос қадрият ва аъналаримизни ўзида тўлиқ муҳассам этаётгандек гўё.

Зеро, олам чиройини хулқи гўзал, серқирра фазилатли эл яратади. Фарғоналиклар эса ана шундай сифатлар соҳибидир...

4-саҳифага қаранг.